

Nome: Data:

O ADXECTIVO



LEMBRA

Os nomes poden ir acompañados de **adxectivos**. Estes adxectivos describen unha calidade do nome, é dicir, explícanos como son ou como están as persoas, os animais, os lugares e os obxectos.

O nome e o adxectivo **concordan en xénero e número**. Isto quere dicir que o adxectivo ten que ter o mesmo xénero e número do nome ao cal acompaña.

- ✓ O vestido verde. ✗ O vestido verdes.
- ✓ A xanela cadrada. ✗ A xanela cadrado, cadrados ou cadradas.
- ✓ Os compañeiros simpáticos. ✗ Os compañeiros simpático, simpática ou simpáticas.
- ✓ As ondas fortes. ✗ As ondas forte.

XÉNERO E NÚMERO

Segundo **o xénero**, o adxectivo pode ser:

- **masculino** (*listo*) ou **feminino** (*lista*). Algunhas palabras teñen a mesma terminación para o masculino e para o feminino (*intelixente*).

Segundo **o número**, o adxectivo pode ser:

- **singular** (*listo, lista, intelixente*) ou **plural** (*listos, listas, intelixentes*).

GRAOS DO ADXECTIVO

Positivo

O adxectivo non modifica nin compara a intensidade do nome:
*película **interesante**.*

Comparativo

O adxectivo compara a intensidade entre dous nomes.

de igualdade (=)

tan ... coma

*esta película é **tan interesante coma** a outra.*

de superioridade (+)

máis ... ca

*esta película é **máis interesante ca** a outra.*

de inferioridade (-)

menos ... ca

*esta película é **menos interesante ca** a outra.*

Superlativo

«-ísimo»/«-ísima»

O adxectivo indica unha calidade en grao máximo:
*película **interesantísima**.*

Nome: Data:

1 Escribe un adxectivo para cada unha destas imaxes.



2 Subliña os adxectivos e fai as transformacións indicadas.

- Os mobles modernos → A roupa _____
- Unhas torres altas → Un edificio _____
- A maleta grande → Os pés _____
- Un cociñeiro excepcional → Uns debuxos _____
- Un inverno moderado → Unhas opinións _____
- A cadela peluda → O gato _____

3 Identifica os erros de concordancia deste texto e corríxeos.



Roberto sentíase moi estraña naquel país. Un país de persoas diminutos, discreta, case invisible. O seu nariz prominentes non cadraba con aquela contorna. Sería difícilísimas poder facer amigos. Pero tiña que ter esperanza: lembraba unhas antigos amigas que había tempos que vivían preto destas terras horripilante.

4 Relaciona:

- | | |
|--|--------------------------------------|
| Es tan irresponsable coma ela. • | • grao superlativo. |
| Este pastel é docísimo! • | • grao comparativo de inferioridade. |
| Unha clase é menos grande ca a outra. • | • grao comparativo de superioridade. |
| A miña avoa é máis grande ca a túa. • | • grao positivo. |
| Non atopo a axenda negra. • | • grao comparativo de igualdade. |